

ESTATUTOS SOCIAIS DA LIGA REUMATOLOXICA GALEGA. "LOITA CONTRA O REUMATISMO "LIGARE

Artigo 1º

Fúndase na cidade da Coruña, unha Asociación que se denomina **LIGA REUMATOLÓXICA GALEGA: "LOITA CONTRA O REUMATISMO" LIGARE**, en adiante **LIGA**, que se rexerá polos presentes Estatutos polo que dispoña a lei Orgánica 1/2002 de 22 de marzo, polas disposicións complementarias e polas outras normas dictadas e que se dicten no futuro en relación coas finalidades sociais que pretende cumprir.

Artigo 2º

A **LIGA**, ten como finalidade promover e desenvolver, a nivel individual e social, a loita contra as enfermidades reumáticas, a súa prevención e profilaxis, tratamento e rehabilitación, coa asistencia e mellora dos afectados polas devanditas enfermidades de acordo cos preceptos legais e regulamentarios, e todo iso sen ánimo de lucro.

Artigo 3º

Para o cumprimento das súas finalidades, a **LIGA**, goza de personalidade xurídica e de capacidade para actuar e poderá, pola súa competencia, ou en colaboración con outras persoas ou entidades públicas e privadas, levar a cabo todos ou calquera dos seguintes principios:

- a) Constituir, manter, subvencionar e promover a creación de organizacións, centros e establecementos para a profilaxis, investigación tratamento ou rehabilitación dos doentes reumáticos.
- b) Fundar, contribuir, manter, dirixir e subvencionar a creación de locais de traballo para os doentes reumáticos, de acordo coas posibilidades de cada un deles, tendo en conta as súas limitacións físicas.
- c) Promover, dirixir, subvencionar e cooperar coas campañas de educación sanitaria destinadas á divulgación das doenzas reumáticas e das súas consecuencias, prevencións e terapéuticas.
- d) Promover e cooperar na organización de xuntanzas, conferencias e congresos sobre doenzas reumáticas e as súas incidencias e consecuencias.
- e) Desenvolver e fomentar as actividades docentes destinadas a formación do persoal técnico especializado no diagnóstico, tratamento e profilaxis das doenzas reumáticas e da rehabilitación dos doentes así coma subvencións e becas.
- t) Divulga-lo coñecemento na investigación, o tratamento e a profilaxis das doenzas reumáticas e das técnicas de rehabilitación dos que están afectados, así como a publicación e adquisición de revistas, folletos obras científicas e documentación en xeral.
- g) Subvencionar e financiar, total ou parcialmente, o tratamento e a rehabilitación do doente reumático de economía deficitaria.

h) Aqueloutras que teñan relación co cumprimento das finalidades sociais.

Artigo 4ª

A **LIGA**, desenvolverá as súas actividades dentro do territorio da Comunidade Autónoma de Galicia. Terá unha duración indefinida e disolveráse polo acordo da Asamblea Xeral ou pala causas previstas nas leis.

Artigo 5º

A **LIGA**, terá a sede en: Centro Cívico A Silva- C/Venela s/n – 15010- A Coruña.

Poderanse crear outros locais sociais ou Delegacións noutras cidades e vilas galegas, por acordo da Xunta Directiva, si se considera axeitado e oportuno para o desenvolvemento da Asociación.

OS SOCIOS

Artigo 6º

Poderán ser socios da **LIGA** tódalas entidades e tódalas persoas maiores de idade que estén no pleno uso dos seus dereitos civís, que teñan algún tipo de interés por servir as súas finalidades, que señan admitidos pola Xunta Directiva e que asuman a obriga de cumprir o que dispoñen estes Estatutos.

Artigo 7º

Os socios podrán ser das clases seguintes:

- a) Socios Fundadores, que serán os que constituían a **LIGA**.
- b) Socios de Número, que serán as persoas que solicitaran o ingreso na **LIGA** admitidos como tales pola Xunta Directiva
- c) Socios de Honor que serán as persoas que sendo socios de outras clases ou non sendo, distinganse notoriamente polas súas actividades científicas, profesionais ou de calquera outra maneira en pro das finalidades sociais ou aquelas outras que á Xunta Directiva queira otorgar esta distinción.

Artigo 8ª

Os que desexen pertencer á **LIGA**, téñen que solicitar por escrito ó Presidente, quen informará á Xunta Directiva, que resolverá sobre a admisión ou non do socio, sen recurso posterior. Ademais disto, a condición de socio non se adquire sen que se faga efectiva a cuota da forma e a cuantía que estableza a Xunta Directiva

Artigo 9º

Os socios poderán solicitar a baixa da Asociación sempre que o consideren oportuno, pero non quedarán relevados de cumprir as obrigas que teñan pendentes coa Asociación, no momento de solicitar a baixa. A Xunta Directiva poderá separar da Asociación a aqueles socios que cometan actos que os fagan indignos de continuar. A separación non se levará a cabo sen antes presentar un expediente no que o interesado seca escoitado, e poderá interpoñer un recurso contra o acordo da Xunta Directiva durante a primeira Asamblea Xeral que toña lugar.

Artigo 10º

A Xunta Directiva poderá sancionar os socios por infrinxir reiteradamente os estatutos ou acordos da Asamblea Xeral ou da Xunta Directiva. As sancións poden incluír, dende a suspensión dos dereitos do socio durante un mes ata a separación definitiva da **LIGA**, nos tennos previstos no artigo anterior.

Artigo 11º

Os socios terán os seguintes dereitos:

- a) Participar nas actividades que programe a Asociación e nos actos sociais que organice para tódolos socios.
- b) Exerce-lo dereito de voz e voto nas Asambleas Xerais.
- c) Ser nomeado membro da Xunta Directiva na forma prevista nos Estatutos
- d) Ter un exemplar dos Estatutos e coñecemento dos acordos adoptados polos organismos directivos.
- e) Coñecer o estado de contas, ingresos e gastos da Asociación de cada ano.

Artigo 12º

Son obrigas de tódolos socios:

- a) Acata-los estatutos e os acordos válidamente adoptados pola Asamblea Xeral e a Xunta Directiva.
- b) Abona-las cuotas de entrada, e as periódicas de acordo coa Xunta Directiva.
- c) Cumprir fielmente as obrigacións co cargo que ocupen.
- d) Presta-la colaboración persoal, que, en relación coas finalidades da Asociación teñan encomendadas por ésta e polos organismos directivos.

Artigo 13º

A condición de socio pérdese

- a) Por propia vontade, según o que establece o artigo 9º dos Estatutos.
- b) Polo acordo da Xunta Directiva, de conformidade có que establecen os artigos 9º e 10º dos Estatutos

ORGANISMOS DE GOBERNO E ADMINISTRACION

Artigo 14º

A **LIGA**, está rexida e administrada pola Asamble Xeral e pola Xunta Directiva. Terá tamén con carácter permanente unha Secretaría Técnica e unha Asesoría Xurídica, que terá a composición e as funcións establecidas nos Estatutos.

ASAMBLEA XERAL

Artigo 15º

A Asamble Xeral, integrada por tódolos socios, é o órgano supremo da Asociación e reunirse sempre que o acorde a Xunta Directiva, pola súa iniciativa ou polo acordo da décima parte dos socios.

Obrigatoriamente han de convocar a Asamble Xeral en sesión ordinaria, unha vez ó ano no mes de xaneiro para aproba-lo plan Xeral de actuacións da Asociación, censurar a xestión da Xunta Directiva, aproba-los presupostos anuais de ingresos e gastos, así coma o estado de contas correspondentes ó ano anterior.

Artigo 16º

A Asamble Xeral reunirse en sesión extraordinaria cando o esixan as disposicións vixentes e cando o acorde a Xunta Directiva, en consideración cos asuntos que se van tratar e para coñecc-las seguintes materias: disposición e alincación de bens nomeamento da Xunta Directiva, solicitude de declaración de utilidade pública, modificación dos Estatutos e disolución da Asociación.

Artigo 17º

A convocatoria das Asambleas Xerais, tanto ordinarias como extraordinarias, serán por escrito, expresando o lugar, día e hora da reunión a celebración da Asamble Xeral, en primeira convocatoria terán que pasar como mínimo, quince días, e poderase sinalar a data na que, si é posible, se reunirá a Asamble Xeral en segunda convocatoria. No caso de non ter prevista a data da segunda convocatoria no anuncio, terá que ter lugar vinte días antes da data da reunión.

Artigo 18º

As Assembleas Xerais, tanto ordinarias coma extraordinarias quedarán válidamente constituídas en primeira convocatoria cardo estean a maioría dos asociados e en segunda convocatoria calquera que sexa o número de asociados asistentes.

Artigo 19º

Os acordos das Assembleas Xerais adoptaránse por maioría de votos. Tamén, o voto favorable das dúas terceiras partes dos asociados presentes serán necesarios para adoptar acordos na Asamblea Xeral Extraordinaria sobre a disposición de bens, a aprobación do voto de censura, sobre a elección do titular dos cargos de Secretaria Técnico e Asesor Xurídico, a solicitude de declaración de utilidade pública, a modificación dos Estatutos e a disolución da Asociación.

Nas Assembleas Xerais Extraordinarias que teñan como fin a elección dos membros da Xunta Directiva, será escollida aquela candidatura que teña o maior número de votos dos membros presentes na Asamblea.

XUNTA DIRECTIVA

Artigo 20º

A Xunta Directiva estará formada por un Presidente, Vicepresidente, un Secretario e un Tesoureiro, catro vocais, escollidos por tódolos socios constituídos en Asamblea Xeral, mediante votación directa e secreta.

Calquer socio podrá presenta-la súa candidatura para calquer cargo da Xunta Directiva, sen outros requisitos que estar ó corrente das súas obrigacións coa Asociación e ter unha antigüidade como socio de, como mínimo , un ano

Artigo 21º

Os cargos da Xunta Directiva serán gratuitos e escollidos por un período de catro anos, poderán ser, obxecto de reelección indefinidamente.

As candidaturas para a elección dos cargos da Xunta Directiva seran pechadas e encabezadas polo candidato a presidente. Especificarase despois, os candidatos para o resto dos lugares a cubrir e serán presentados ó Secretario Xeral dentro do ténnino previsto pola Asamblea Xeral na convocatoria das eleccións.

Artigo 22º

E función da Xunta Directiva programar e dirixi-las actividades sociais e a xestión administrativa e económica da Asociación, someter a aprobación da Asamblea Xeral o presuposto de ingresos e gastos, e tamén o estado das contas do exercicio anterior e, en xeral resolver tódolos asuntos que esten relacionados co goberno e administración, e coñecemento de todo o que non esté especificamente atribuído á Asamblea Xeral.

Especialmente, será competencia da Xunta Directiva:

- a) Convoca-la Asamblea Xeral.
- b) Dispoñer dos fondos e bens sociais, e dos actos de disposición e alienación que estime oportuno acordar en relación con estos, aclarando que se fai referencia ós bens inmobles sen perxuício das competencias que en relación a estos últimos, competen a Asamblea Xeral.
- c) Acorda-los ingresos e baixas dos socios que estimen procedentes, de acordo co que dispoñen os Estatutos
- d) Nomear e separa-lo persoal administrativo da Asociación, mante-lo orden e a disciplina e correxí-las faltas que se cometan.
- e) Representa-la Asociación en toda clase de contratos, actos, asuntos xudiciais, adinistrativos ou de calquer outro carácter e exercitar xudicialmente i extra xudicialmente todas aquelas accións, excepcións e recursos que corresponda á Asociación.
- f) Fixa-las directrices da actuación da Asociación, a fin de cumprí-los obxetivos sociais.
- g) Crear todas aquelas comisións que sexan consideradas oportunas para a marcha da Asociación.

Artigo 23º

A Xunta Directiva queda válidamente constituída cardo concurren á sesión corresponderte a metade mais un dos seus membros e adopte os seus acordos pola maioría dos asistentes. No caso de empate, o voto do Presidente decidirá.

Artigo 24º

A Xunta Directiva reuniráse tantas veces como o determine o seu Presidente e no seu defecto, o Vicepresidente, ou a petición da metade máis un dos seus mernbros.

Artigo 25º

A Xunta Directiva estará presentada por un Secretario, que terá voz e voto. O Secretario levantará Acta de cada reunión da Xunta Directiva e da Asamblea Xeral, que logo a transcribirá o Libro de Actas, exercerá ademais as funcións que lle encomende o Artigo 30.

Artigo 26º

Os membros da Xunta Directiva cesarán dos seus cargos:

- a) O remata-lo prazo polo que foron elexidos.
- b) Por dimisión.
- c) Por incapacidade física que lles impida realiza-la súa misión.

- d) Polo voto de censura acordado pola Asamblea Xeral Extraordinaria.
- e) Por outras causas que determinen as Leis e Reglamentos.

Artigo 27º

As vacantes que se produciran na Xunta Directiva serán cubertas interinamente pola propia Xunta, ata que se reúna a Asamblea Xeral que elexirá as persoas que ocuparán as vacantes. Os que foran elexidos desta maneira exercerán o seu mandato ata que se cumpra o tempo polo que foron elexidas as persoas a quenes substituíron

Artigo 28º

O Presidente da Xunta Directiva, e no seu defecto o Vicepresidente, ostentará a representación legal da **LIGA** e actuará no nome desta, estará obrigado a executar os acordos validamente adoptados pola Xunta Directiva e a Asamblea Xeral.

Artigo 29º

Corresponde o Presidente, e no seu defecto por ausencia o enfermidade o Vicepresidente:

- a) Representar legalmente a Asociación.
- b) Convocar, presidir e modera-las sesións que celebre a Xunta Directiva, e a Asamblea Xeral, dirixir as deliberacións dunha ou doutra e decidir, polo voto de calidade, en caso de empate.
- c) Detennina-la orden do día das Xuntas Ordinarias i Extraordinarias da Asamblea Xeral e da Xunta Directiva.
- d) Propoñe-lo plan de actividades da Asociación a Xunta Directiva.
- e) Ordena-los pagamentos que válidamente foron acordados.
- f) Leva-la firma da Asociación, e polo tanto firma-la correspondencia, circulares e outros escritos e comunicacións
- g) Nombrar ós Presidentes para as diferentes comisións que se cren.
- h) Toma-las medidas necesarias en casos de urxencia, sen perxucio de informar á Xunta Directiva ou Asamblea Xeral e según o caso na primeira xuntanza que se celebre.
- i) Autorizar conxuntamente co Tesourciro toda clase de pagamentos da Asociación, firmar cheques c talóns da canta corrente ordes de pagamento e outros documentos bancarios que correspondan.

Artigo 30º

O Secretario da Xunta Directiva recibirá e tramitará as solicitudes de ingreso, levará o fichero e o libro de rexistro de socios, e terá ó seu cargo a dirección dos traballos administrativos da Asociación. Redactará ademais as Actas da Asamblea Xeral e das reunións da Xunta Directiva e terá o seu cargo o Libro de Actas e autorizará co visto bó do Presidente as certificacións que se precisen dos órganos de goberno da Asociación.

Artigo 31º

O Tesoureiro dirixirá a contabilidade e levará conta dos ingresos e gastos sociais, intervirá nas operacións de orde económico, recaudará e gardará os fondos da Asociación e cumprimentará as ordes de pagamento que ordene o presidente.

Redactará tamén o presuposto anual de ingresos e gastos, así como tamén o estado de contas do exercicio anterior, que terán que ser presentados á Xunta Directiva para sometelos a aprobación da Asamblea Xcral.

DA SECRETARÍA TÉCNICA E ASESORIA XURÍDICA

Artigo 32º

Cada un dos membros da Xunta Directiva terá as obrigacións propias do seu cargo así como tamén as delegacións ou comisións que a propia Xunta lles mande.

Artigo 33º

Dentro da Asociación será constituída unha Secretaría Técnica con carácter permanente que estará a cargo dun médico especialista en reumatoloxía, que será nomeado pola primeira Asamblea Xcral que celebre a Asociación e o cal asistirá as reunións desta co carácter de asesor con voz, pero sin voto.

Conesponderálle xenéricamente, programar, organizar e coordinar de acordo coas directrices que determine a Xunta Directiva, e as actividades e cometidos que teñan por obxeto o cumprimento dos obxetivos sociais.

Espécificamente corresponderá á Secretaria Técnica:

- a) Elabora-los proxectos dos plans xerais de actuación e os programas de necesidades da Asociación.
- b) Organizar e dirixi-lo centro de documentación bibliográfica e a Biblioteca da Asociación, propoñer a adquisición de obras científicas libros, revistas e toda clase de publicacións relacionadas cos obxetivos sociais,
- c) Dirixir e programa-las publicacións da Asociación.
- d) Recopila-los datos e confeccionar as estadísticas necesarias para o cumprimento dos obxetivos sociais.
- e) Organizar e programa-las campañas de divulgación que se estimen oportunas e convenientes.
- f) Organizar e coordina-la promoción e a participación da Asociación en Congresos, Conferencias e Xuntanzas relacionadas cos obxetivos sociais.
- g) Prepara-los informes ou dictámenes sobre as materias ou aspectos propios da Asociación que soliciten organismos públicos ou privados, ou tamén particulares.

Artigo 34º

A Asociación terá tamén unha Asesoría Xurídica con carácter permanente, que estará a cargo dun avogado en exercicio, que será designado pola primeira Asamblea Xeral que celebre a Asociación, o cal asistirá ás reunións con carácter de asesor.

Terá voz, pero non voto e correspondéralle xenéricamente asesorar á Xunta Directiva en cuestión de carácter xurídico así como tamén asesorar ós asociados da **LIGA** en tódalas cuestións relacionadas que poidan derivar en problemas de carácter xurídico.

Artigo 35º

Tanto o Secretario Técnico como o Asesor Xurídico cesarán no seu cargo polas causas seguintes:

- a) Por dimisión.
- b) Por incapacidade física que lle impida exercer o seu cargo.
- c) Por ter cumpridos 65 anos.
- d) Por acordo tomado por maioría de dous tercios de votos da Asamblea Xeral.

No caso de vacantes no cargo de Secretario Técnico ou do Asesor Xurídico, o Presidente da Xunta Directiva propondrá á Asamblea Xeral o nome do substituto, o cal terá de conseguir a maioría simple dos votos presentes na Asamblea, para chegar ó cargo.

DO RÉXIMEN ECONÓMICO

Artigo 36º

A **LIGA** ó constituirse carece de Patrimonio e o límite do seu presuposto anual non sobrepassará os 600.000€

Artigo 37º

Os recursos económicos para o desenvolvemento das actividades sociais serán os seguintes:

- a) As cuotas de entrada que determine a Xunta Directiva.
- b) As cuotas periódicas que ésta decida.
- c) Subvencións, donativos legados ou herencias que reciba.

d) Intereses e rendas do seu patrimonio e beneficios que se consigan pola publicación e distribución de obras científicas, publicacións e impresos.

e) O produto ou intereses de colectas ou calesquera outros actos en medios lícitos, que cas correspondentes autorizacións gubernativas ou administrativas poidan celebrarse para a recaudación de fondos destinados ó cumprimento dos obxetivos sociais.

Artigo 38º

A Asociación levará os libros de contabilidade onde figuren tanto o patrimonio, como os dereitos e obrigacións, os ingresos e gastos da Asociación precisando a súa orixe e destino.

O exercicio asociativo e económico será anual e o seu peche terá lugar a 31 de Decembro de cada ano.

Artigo 39º

Serán causas de Disolución a falta de recursos económicos e/ou humanos para poder realizar a xestión básica da Asociación. Ditas causas deberán ser apreciadas en Asamblea Xeral Extraordinaria, convocada ó efecto, e coa aprobación da maioría dos membros legais presentes na mesma.

No caso en que sexa disolta a Asociación, a Asamblea Xeral que acorde a súa disolución, nomeará unha comisión liquidadora formada por cinco membros da Asociación, que se fará cargo dos fondos que existan nese momento, e unha vez que se cumpran tódalas obrigacións, o remanente que quede, entregaráse a Asociación dos orfos de Médicos de Galicia.

Ou si non existe, a calquera outra entidade legalmente constituída, con domicilio en Galicia, que se dedique a fins iguais ou parecidos á **LIGA REUMATOLÓXICA.'LOITA CONTRA O REUMATISMO'**.

Nestos Estatutos, recollense, as modificacións dos artigos nº 1,4 e 5, acordados na Asamblea Extraordinaria, celebrada a tal efecto o vintecinco de xuño de mil novecentos noventa e seis.

DISPOSICIÓN ADICIONAL

En todo canto non esté previsto neste Estatuto aplicarase a vixente Lei Orgánica 1/2002, de 22 de Marzo, reguladora do Dereito de Asociación e as disposicións complementarias.